



Universitätsbibliothek Paderborn

**Ars Bonæ Mortis. Sive: Quotidiana Erga Sanctissimam Dei
Matrem Mariam Pietas**

Ad omnia quidem utilis. Ad felicem tamen mortem obtinendam utilissima

Hevenesi, Gábor

Coloniæ Agrippinæ, [ca. 1708]

XI. Aprilis.

[urn:nbn:de:hbz:466:1-50961](#)

S. Leo Magnus in veneratione Mariæ non minis mensuram ex æquare conatus, cùm Ecclesiam à Nestorianis juratis Mariani nominis hostibus premi sentiret, totum se ad ejus gloriam latissimè propagandam accinxit, utq; conatus ad plures perveniret, rem etiam apud dissitos per epistolas egit. *Nad. an Cœl.* Etiam calamo non pauci hostes sternuntur.

Da mihi vires Magne S. Leo, ut in defensendo Mariæ honore semper leonino sim spiritu, qui ad nullius paveam occursuni, malimq; semper, quod nunc toto pectore statuo, tuendæ ejus gloriæ victimæ cadere, quam cedere. O Sanctissima Dei, & mea, Mater pretiosissima! ego N. indignissimus filius tuus ex toto corde, omnibusque tam corporis, quam animæ viribus centies millies, imò infinites te saluto: te omni possibili omnium possibilium &c. fol. 2.

Ad quod impetrandum: Proximâ, quam scripturus sum, epistolâ aliquid Mariæ honori deserviens, si oportunè fieri possit, inspergere conabor.

Suavis & decora est Mater pulchræ dilectionis, quod ex ejus visitatione discunt animæ plurimæ, sed & terribilis est Dæmonibus, hereticis & impiis. *S. Rupert. in cant. 6.*

Quæstio: An pulchritudo formæ Virginis unquam in Deipara defecerit per ætatem? *V. Raynaud. in Dipt. Mar. pu. 2.*